



**PORTA-VOZ**  
V GOVERNUNU  
KONSTITUSIONÁL



**KOMUNIKADU  
BA MEDIA**

Loron, 15 fulan Setembru tinan 2012  
Díli, Timor-Leste

## **Timor-Leste apresenta kondolénsia ba ofisiál diplomátiku Estados Unidos Amérika ne'ebé mate no apela bá paz mundiál no toleránsia**

Governu Timor-Leste apresenta profunda kondolénsia bá família, belun no kolega sira hosi Embaixadór Estados Unidos Amérika nian ba Líbia, J. Christopher Stevens, no ninia kolega sira na'in tolu, sira hotu mesak ofisiál sira norteamerikanu nian, ne'ebe mate iha atake hasoru edifísiu Konsuladu EUA nian, iha Benghazi, Líbia, iha semana liu ba.

Embaixadór ne'ebé durante tinan ruanulu liu bá servisu iha Médiu Oriente, nu'udar diplomata dahuluk ne'ebe hala'o knar iha Líbia, hafoin konfliktu to'o iha nia rohan. Iha dezafiu boot hirak nia laran ne'ebe país hasoru, J. Christopher Stevens, kontinua promove poténsia boot ne'ebé mak atu realiza hosi povu Líbia nian, no nia mantein iha oin iha promosaun ba pás.

Infelizmente iha loron hirak ikus ne'e, iha protestu ne'ebe maka'as hasoru Estados Unidos iha país barak iha mundu. Maski protestu barak hala'o ho forma pasífika, seluk violentu liu hahú mosu hasoru misaun diplomátika no comunidade hosi Médiu Oriente, parte sira hosi África no Estados Unidos, Granbretaña, Alemaña no Austrália no seluk-seluk tan. Partisipante barak mak kanek, espektadór sira no ajente lei nian sira ne'ebé armadu.

Governu Timor-Leste hakarak hamutuk nia lian bá líder espirituál sira no mundu ne'ebé husu hakmatek no estabilidade. Timor-Leste kontinua firme nafatin iha solidariedade hó Estado hotu-hotu ne'ebe hakarak promove pás no toleránsia entre sidadaun tomak iha mundu no kondena maka'as, kualkér tipu violénsia.

**FIN**



**Ágio Pereira**  
+670 7723 0011  
[agio.pereira@cdm.gov.tl](mailto:agio.pereira@cdm.gov.tl)  
[govtlmedia@gmail.com](mailto:govtlmedia@gmail.com)  
[www.timor-leste.gov.tl](http://www.timor-leste.gov.tl)